



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1657

§. 92. Adhuc eo loquente, Ecce turba, & qui vocabatur Iudas. v. 47.

urn:nbn:de:hbz:466:1-45549

etque jam adesse milites Iudeæ, ait & inclamat contentiore sono quasi
terrens, *Surgite: State viri fortes & succiri: Ati, armati, parati, in prælium,* &
adventantium hostium insidiis subvertamini, & succumbatis. En locus
insidiarum plenus, hic campus exercendæ virtutis, non tempus hic
dormiendi, sed vigilandi, non jacendi, sed standi, non otandi, sed di-
micandi.

Domine dixisti, nemo coronabitur, nisi qui legitimè certaverit, imiter-
ergo te, & cursum contendentem, & in palæstra horti colluctantem,
& in agone decertantem ut strenus pugil, ipse habeam animæ oculum
nusquam evariantem, sed attentum ac per vigilem, nimis ut animo sim,
non supino, non concidente, sed erecto, non dormituriente. Sed per vigili
ac sobrio, quique multa cum vigilantia præsens sit, & norit, sibi præ-
esse.

§. 91. *Orate, ne intretis in temptationem.* v. 46.

Sed quomodo pugnandum & standum? devotis verbis cordis &
oris, orate, non verbis tantum preces effundentes, sed mecum actiones
conjugentes, ut vita vestra non sit aliud quam continua quædam oratio;
Si non intrabitis in temptationem per passum peccati, de cogitatione in
delectationem, de delectationem consensem, de cōsentu in opus: *Stare ergo*
eos jubet & orare, ne scilicet vigilantes sint in otio, quod est pulvinar dia-
boli & non ortando solide tamen occupentur in rebus quæ sunt ad Deum.

O Bone Iesu si adeo fragiles erant discipuli à te instructi & moniti, &
tam vicini corporaliter! Quid de me præsumam? Tu scis infirmita-
tem meam: da ut & ego agnoscam, & humilius de viribus meis diffidens
in tua firmitate confidam; occasionem male agendi divitem, & jugiter ad
orationem tuo exemplo recurram.

§. 92. *Adhuc eo loquente, Ecce turba, & qui vocabatur Iudas.* v. 47.

Vides jam quare mandaverit discipulis dormientibus, ut surge-
rent & excubarent, ac si diceret; *prospicitisne appropinquantem discipulum*
cum ingenti satellito, ut me tradat in manus peccatorum? Hic observa Chri-
stiane, quomodo Christus ab Angelo nuper confortatus, non modo
constantissime loquatur, sed & promptissimo animo stet, hostiles ma-
nus expectans. Tantum enim abest ut instar meticuloſi hominis vel
trepidaverit, vel auffugerit, ut etiam inimicis obviam proceſſe-
rit. Tantum animi robur ab oratione & Angelica consolatione

sumperat aduersus passionis procellam, ut nullum vel pauoris, vel tristis signum amplius ostenderet. Contra, discipuli quoniam non orauerant, nec consolatione erant recreati, videamus eos factos animo imbecilles, & vi- cunque eos stimulauerit Dominus secum obuiam ire, factis declaratis mortis horrorem in ipsis creuisse.

O Miseri mortales, qui orationem adeo commendatam Deo, & laudatam negligitis, in quanta pericula, vos coniicitis? videte hos discipulos. Videte contra Christum Dominum, in oratione prolixum, agilem, & confortatum.

§. 93. Vnu de duodecim antecedebat eos. v. 47.

Inter turbas Christi Domini hostes; imo ante eas, antesignanans Euangelista nominat Iudam, addendo. Vnum ex discipulis, ad terrorem nostrum, qui etiam nunc eum imitari possumus. Venit miser ille cum turba infidelium non tantum corpore, sed etiam voluntate capiendi Dominum & Magistrum suum. Nam solo corpore inter istas turbas fuisse non obfusset, ut patet de Lot & Daniele &c. bonis inter malos.

AVertat Deus hanc à nobis execrationem: quamquam eam ipsam non minorem etiam nunc videamus pro dolor in quibusdam malevolis & desperatis peccatoribus, qui quo fuerunt in Ecclesiastico statu, vel ordine aliquo, altius prouecti, per gratiam, tanto peiores facti sunt duces populorum ad peccatum, ut videmus in Luthero, Monacho, & Calvino Canonico, & pluribus, hodieque Apostatis qui imitantur eum, qui antecedebat turbas euntes ad malum.

§. 94. Et appropinquabat IESV, ut osculetur eum. v. 47.

Non pedentim accedebat, sed accurrebat, ne praeda visa clabesceret in manibus, & quasi salutando more Iudeorum amicabiliter, osculatus est Dominum, quo dato symbolo agnoscetur à turba sequente: sed o Iuda, quid agis? amoris signo vulnus infligis? mellis oblatione venenum propinas? charitatis officio sanguinem fundis? instrumento pacis mortem interrogas? Iuda, quid agis? quo decidisti, de Apostolatu ad Apostoliam, de consortio Angelorum ad contubernium dæmonum, de primis amicorum, ad primos hostium; de sublimi gratia solio ad profundam abyssum damnationis: de participatione augustissimi corporis ad venditionem eius diuinissimi Sanguinis? Ah! quantum saepe nequitiz sub fronte blanda, quantum mali, sub larua boni tegitur. Vere iste Iudas est Princeps Larva;